

ԶԱՔԱՐԵԱՆ ՀԱՅԱՍՏԱՆԻ ԻԼԽԱՆՈՒԹԵԱՆ ԵՐԿՐՈՐԴ ԾՐՋԱՆՈՒՄ

Արտաշես Շահնազարեան

Հիւսիսարեւելեան կամ, ինչպէս ընդունուած է հայ պատմագիտութեան մէջ, Զաքարեան Հայաստանը մոնղոլական մեծ խան Մանգուի (1251-1259) եղբայր Հուլաուի կողմից 1256 թ. ստեղծուած մոնղոլական մի նոր պետութեան՝ Իլխանութեան երկրորդ շրջանում եւս, որը ներառում է 1270-ական թուականների սկզբից մինչեւ Ղազան խանի մահը (1304) ընկած ժամանակահատուածը, Արեւելեան Վրաստանի հետ ներառուած էր Գիւլջիստանի վիլայէթի մէջ: Հինգ ռազմավարական միաւորներից՝ թումաններից, բաղկացած Զաքարեան Հայաստանում սկզբում գերիշխում էին Զաքարեան իլխանական տան ներկայացուցիչները, որոնց անմիջական գերական էին վրաց Բագրատունիները: Սակայն աւատատիրական յարաբերութիւնների խորացմամբ եւ մոնղոլ նուաճողների վարած ուժերի անկախուն հաւասարակշռութեան պահպանման քաղաքականութեամբ պայմանաւորուած՝ Զաքարեանների դիրքերն աստիճանաբար սասանում էին: Այդ երբեմնի հզօր տոհմի կրտսեր ճիւղեր Վահրամեաններն ու Թմոզուեցիները ԺԳ. դ. վերջին քառորդում փաստօրէն հեռացան պատմական ասպարէզից, իսկ աւագ ճիւղերը՝ Աւագեանները եւ, յատկապէս, Շահնահեանները, տնտեսապէս քայքայուելով, խիստ թուլացել էին: Նախկին դիրքերը եթէ ոչ ամրապնդելու, ապա գոնէ պահպանելու համար նրանք ստիպուած էին յամառ պայքար մղել մոնղոլների նպատակադիր բարեհաճութեամբ վերելք ապրող իրենց նախկին ստորականեր Օրբէլեանների ու Մահկանաբերդիների դէմ, որոնք իրենց հերթին քաղաքական գերակայութեան համար մրցում

էին միմեանց հետ: Աւելին, արու ժառանգորդից զուրկ «Աւագեան տան» տիրոջներին նկատմամբ «Շահնահեան տան» յաւակնութիւնների պատճառով հարթ չէին նաեւ նրանց յարաբերութիւնները:

Այս պայքարում 1270-ական թուականների սկզբներին յաջողութիւնն ուղեկցում էր երկրորդ եւ վերջին վերելք ապրող Մահկանաբերդիներին: ԺԳ. դարի վրաց Անանուն ժամանակագիրը նշում է, որ Հուլաուի կողմից մեծարուած Սադունին Մահկանաբերդուհուն Աբաղա իլխանը (1265-1282) պատուով էր վերաբերում, իսկ Իլխանութեան առաջին (մեծ) վէզիր, Փինանսական դիւանի ղեկավար ամենագօր Շամս ադ դին Մուհամմադ Ջուվէյնին՝ աթաբեկ Աւագի դուստր Խոշաքի ամուսինը, բարութեամբ՝ վերջին հանգամանքը պայմանաւորելով Մահկանաբերդի տիրոջ՝ Խոշաքի սենեկապետը լինելով¹: Իրականում այդ երկու հաշուենկատ, ընչաքաղց ու խորամանկ անձնաւորութիւնների՝ Սահիբ դիւան Մուհամմադ Ջուվէյնու եւ Սադուն Մահկանաբերդու սերտ յարաբերութիւնների հիմքում ընկած էր շահերի ընդհանրութիւնը:

Սադուն Մահկանաբերդի պէտք է իր համար բարենպաստ պայմաններն առաւելագոյնս օգտագործէր՝ հնարաւորինս արագօրէն տնտեսապէս հզօրանալու եւ դիրքերն աւելի ամրապնդելու համար: Նրան նախ շնորհումներ կատարեց Արեւելեան Վրաստանի թագաւոր Ուլու Դաւիթը (1246-1271)²: Սակայն Սադունը դրանով

1 Տե՛ս Կարմուս Կիւրեան, Երևան, 2008, շ. 375.
2 Տե՛ս Անյն տեղում:

չբաւարարուեց: Հասնելով Ուլու Դաւիթին Շահնահեանի որդի Իւանէ մանդատուրթ-ուխուցեսի գործուն մասնակցութեամբ յաջողած³ 12-ամեայ Դեմետրէ Բ.-ի խնամակալ նշանակուելուն՝ նա 1272 թ. դարձաւ արեւելավրացական թագաւորութեան ոչ միայն աթաբեկ, այլեւ ամիրսպասաւար՝ այդ պաշտօնները խլելով Իւանէ Աբուլթիսադէից⁴: Վերջինս ոչ միայն զրկուեց պաշտօններից, այլեւ կեանքը փրկելու համար եղբօր հետ ապաստանեց Իկոնիայի սելջուկեան սուլթանութիւնում: Այսպիսով, օգտուելով Դեմետրէ Բ.-ի անչափահասութիւնից ու Իլխանութեան առաջին դէմքերի հետ ունեցած սերտ կապերից, Սադուն Մահկանաբերդի դարձաւ Գիւլջիստանի վիլայէթի հայ-վրացական աւագանու մէջ առաջին դէմքը: Ինչպէս վկայում է ԺԳ. դարի վրաց Անանուն ժամանակագիրը՝ «Այս ընթացքում Սադուն Մահկանաբերդի իր ժամանակի մթաւրից առաւել բարձր դիրքի հասաւ» եւ Աբաղան «նրա ձեռքը յանձնեց Վրաստանի գործերը ու գօրծերի կառավարումը»⁵: Շահարկելով ազդեցիկ դիրքն ու պաշտօնները՝ նա իր կամակատարի վերածուած վրաց արքային նոյն 1272 թ. ստիպեց իրեն շնորհել թելաւն ու Բելաքանը, իսկ 1273-ին՝ Կարսը, ինչպէս նաեւ՝ Աբուլթիսադէների պատկանող Դմանիսն իր շրջակայքով ու այլ տիրոջները⁶: Բացի այդ, նա Կարսին տիրանալուց յետոյ Ախալցխայիներին

խորամանկութեամբ խլեց յարակից սահմանագլխային հողերը⁷:

Սադուն Մահկանաբերդու հետ մրցակցութիւնում պարտուած Օրբէլեան իլխանատոհմի գահերէց Սմբատ Օրբէլեանը 1273 թ. Թաւրիզում, որտեղ պետական ծառայութեան մէջ էր, վախճանուեց: Անժառանգ Սմբատին փոխարինեց նրան որակական յատկանիշներով չզիջող կրտսեր եղբայրը՝ Տարսայիճը: Վերջինիս իլխանութեան գալը ոչ պատահաբար զուգահեռեց Օրբէլեան-Խաղբալեան ներհակութիւնների նոր դրսեւորմանը, քանի որ Սմբատ Օրբէլեանը շարունակում էր Հասան-Պուշ Խաղբալեանին պատկանող տիրոջների իւրացումը: Դրա օրինակներից է Արատսի վանքն իր շրջակայքով Խաղբալեաններից Օրբէլեաններին անցած լինելը⁸: Օգտուելով Օրբէլեանների դիրքերի սասանումից՝ Հասան-Պուշ Խաղբալեանը փորձեց նրանց հոգեւոր տեսչութեանը ենթակայ իր տիրոջների համար առանձին հոգեւոր թեմ ստեղծել: Սակայն Տարսայիճին յաջողուեց Յակոբ Ա. Կլայեցի կաթողիկոսի (1268-1286) միջոցով Հասան-Պուշի այդ մտադրացումը ձախողել⁹:

1275 թ. սկզբներին բասաղաղ Արդունը Գիւլջիստանի վիլայէթում նոր աշխարհագիր անցկացրեց¹⁰: Հայկական սկզբնաղ-

7 Կարմուս Կիւրեան, շ. 382.
8 Դիւան հայ վիմագրութեան, պրակ III, Վայոց ձորի, Եղեգնաձորի եւ Ազիզբեկովի շրջաններ, կազմեց Ս. Գ. Բարխուդարեան, Երևան, 1967, էջ 124:
9 Տե՛ս Ստեփանոս Օրբէլեան, էջ 364-366:
10 Ռ. Կիկնաձէ, յեռնելով Ա. Գալստեանի կողմից Ստեփանոս Եպիսկոպոսի «Տարեգրութեան» ռուսերէն թարգմանութեան վրայ, որտեղ տարեթիւ պայմամբ 1275 է նշուել (Армянские источники о монголах, извлечение из рукописей XIII-XIV вв., перевод с древнеармянского, предисловие и примечания А. Г. Галстяна, Москва, 1963, շ. 36). այս աշխարհագիրը թուագրել է այդ տարով (Р. К. Кикнадзе, Очерки по источниковедению историй Грузии, Парсадан Гордиджанидзе и «Картлис цховреба», Тбилиси, 1980, շ. 154). Իրականում, 1982, թ. 171-173

բիւրնները բաւարարուել են այդ իրադարձութեան հակիրճ արձանագրմամբ¹¹, իսկ ԺԴ. դարի վրաց Անանուն ժամանակագիրը նաեւ փաստել է, որ Արղունը գոյքագրել է վիլայէթի գաւառները, նաեւ՝ ճշտելու, թէ նախորդ աշխարհագրից յետոյ դրանք որքանով են վերականգնուել կամ աւերուել¹²: Պարզուել էր, որ գաւառների մեծ մասը տնտեսապէս քայքայուել է: Դա իլխանութիւնում կիրառուող հարկային հիւծիչ քաղաքականութեան եւ մոնղոլական ընչաքաղց պաշտօնէութեան չարաշահումների արգասիքն էր: Հայ իլխանական տներից շատերը, տնտեսական գործունէութեան անշահաւէտութեամբ պայմանաւորուած, հարկային ծանր բեռի տակ կքելով, ստիպուած չնչին գներով իրենց ունեցուածքը վաճառում էին տուեալ պահին մոնղոլների բարձրացրած որեւէ ժամիլխանի կամ էլ առեւտրավաշխառուական գործառնութիւններով արագօրէն հարստացած մէկին: Այսպէս օրինակ՝ Սաղուն Մահկանաբերդցին, Ուլու Դաւթից եւ Դեմետրէ Բ.-ից ստացած տիրոյթներով չբաւարարուելով, «գնեց բազմաթիւ հողեր»¹³, իսկ Ուքանեանները 1271 թ. ձեռք էին բերել նաեւ Շահնշահեան տանը պատկանող՝ Անիի մօտ գտնուող Կարմիր վանքը՝ «իւր ամենայն սահմանաւք հողով եւ ջրով»¹⁴ եւ այլն:

Հայ իլխանական տների տնտեսական քայքայման ու տիրոյթագրկման գործընթացը շարունակուեց նաեւ յետագայում:

նում Ստեփանոս եպիսկոպոսն այդ իրադարձութիւնը թուագրել է 1275-ով՝ ՌՄՀԷ (Մանր ժամանակագրութիւններ. XIII-XVIII դդ., հտ. I, կազմեց Վ. Ա. Յակոբեանը, Երեւան, 1951, էջ 44):

11 Տե՛ս Մանր ժամանակագրութիւններ. XIII-XVIII դդ., հտ. I, էջ 44. Մխիթարայ Այրիվանցեցոյ Պատմութիւն Հայոց, Մոսկուա, 1860, էջ 68:
 12 Картолице уხოереба, с. 383.
 13 Նոյն տեղում, էջ 382:
 14 Գ. Յովսէփեան, Նիւթեր եւ ուսումնասիրութիւններ հայ արուեստի պատմութեան, հտ. Ա, Երեւան, 1983, էջ 232:

Դա է վկայում, օրինակ, Նոր Գետիկում (Գօշավանք) Ումեկի որդի Ճարի թողած 1283 թուակիր արձանագրութիւնը: Դրանում Ճարը յայտնում է, որ իր հայրը Նոր Գետիկը գնել է քառասուն հազար կարմիր դուկատով, իսկ ինքը «ի դառն ժամանակի, որ հայրենիքն արժան էր, եւ ոսկին թանգ», Հովքը «իւր ամէն սահմանաւքն» ձեռք է բերել հազարով¹⁵: Սրանից հետեւում է, որ «Ումեկի ժամանակ, 13-րդ դարի երկրորդ քառորդում անշարժ գոյքը աւելի թանկ էր, եւ ոսկին անհամեմատ աւելի էժան էր, քան նրա որդու՝ Ճարի ժամանակ՝ 13-րդ դարի ութսունական թուականներին»¹⁶: Ուշագրաւ է, որ Հովքի դէպքում իր շրջակայքով առքուվաճառքի առարկայ է դարձել Աւագեան տան տիրոյթ հանդիսացող մի բնակավայր, որը գտնուում էր ռազմավարական եւ առեւտրական առումով խիստ կարեւոր ճանապարհի վրայ ընկած Կայեան գաւառում: Հետեւաբար՝ խոշաքի հետ ամուսնանալու հետեւանքով փաստացի Սահիբ դիւան Մուհամմեդ Զուվէյնուն անցնելուց յետոյ էլ «Աւագեան տան» տիրոյթների տնտեսական քայքայումը ոչ միայն չդադարեց, այլեւ՝ աւելի խորացաւ: Եւ քանի որ Կայեանից ստացուող եկամուտները հեռու էին գանձուող հարկերը ծածկելուց անգամ, խոշաքը ստիպուած էր, մօր օրինակին հետեւելով, մաս առ մաս օտարել, թւում էր, թէ եկամտաբեր այդ գաւառը:

Հին իլխանական տների կալուածքների որոշ մասն առեւտրավաշխառուական խաւի խոշոր ներկայացուցիչներին անցնելը յանգեցնում էր նրանցով հայ միջին խաւի աւատատէրերի համալրմանը: Օրի-

15 Դիւան հայ վիմագրութեան, պրակ VI, կազմեցին, Ա. Ա. Աւագեանը, Հո. Մ. Զանգիւլադեանը, Երեւան, 1977, էջ 71:
 16 Յ. Մանանդեան, Քննական տեսութիւն հայ ժողովրդի պատմութեան, հտ. Գ, Երեւան, 1952, էջ 265:

նակ՝ դեռ նախքան Հովքին տիրանալն էլ, 1273 թ. Նոր Գետիկում գրչագրուած մի ձեռագրի յիշատակարանում Կայեան գաւառում Ումեկեանների կալուածքները բնորոշուած են «իլխանութեանը» հոմանիչ «տէրութիւն» եզրոյթով՝ «տէրութեան տեղոյս Ճարին»¹⁷:

Իկոնիայի սելջուկեան սուլթանութեան վէզիր Մուլին ադ դին Փերուանէի սադրանքով 1276 թ. յուլիսի 3-ին մոնղոլական պահակային զօրքերին Ալբիստանում ջախջախած Եգիպտոսի մամլուքեան սուլթան Ռուքն ադ դին Բէյբարս Ա.-ին (1260-1277) եւ տեղի մամլուքամէտ ուժերին պատժելու նպատակով Աբաղա իլխանը նոյն թուականի յուլիսի վերջերին արշաւեց Իկոնիայի սելջուկեան սուլթանութիւն՝ աւերելով Նիկիտէ ու Նարբերդ քաղաքներն իրենց շրջակայքով: Սակայն Աբաղան չհասցրեց Բէյբարսին պատժել: Լուր առնելով, որ Ոսկէ Յորդայի խան Բերքէի զօրքերը մօտ են, Դերբենտն անցնելով, իլխանութեան տարածք ներխուժելուն՝ նա ստիպուած շտապ յետ դարձաւ¹⁸:

Աբաղան, պարտադրուած լինելով կռուել երկու ճակատով, Եգիպտոսի մամլուքեան սուլթանութեան դէմ (որտեղ արդէն իլխում էր Մանսուր Սէյֆ ադ դին Կալաուն սուլթանը (1280-1290)), կարողացաւ բանակ ուղարկել միայն 1281-ին: Իլխանի եղբայր Մանգու Թիմուրի գլխաւորած միացեալ բանակի կազմում, ի թիւս այլ զօրքերի, ընդգրկուած էին նաեւ Կիլիկիայի հայկական թագաւորութեան զօրամասերը Լեւոն Բ.-ի (1270-1289) եւ Գիւրջիստանի վիլայէթի հայ-վրացական զօրա-

17 Հայերէն ձեռագրերի յիշատակարաններ. ԺԳ դար, կազմեց Ա. Ա. Մաթեոսեանը, Երեւան, 1984, էջ 435:
 18 Մանր ժամանակագրութիւններ. XIII-XVIII դդ., հտ. I, էջ 44, 45, 61, ծան. 86, հտ. II, կազմեց Վ. Ա. Յակոբեանը, Երեւան, 1956, էջ 147. Рашид ад-Дин, Сборник летописей, т. III, М.-Л., 1946, с. 88:

ջոկատները՝ Դեմետրէ Բ.-ի գլխաւորութեամբ (թուով շուրջ 27 հազար): Ծակատամարտը կայացաւ նոյն թուականի հոկտեմբերի 30-ին Հիմս (Հոմս) քաղաքի մօտ: Չնայած հայ-վրացական ուժերի յաջող գործողութիւններին՝ Մանգու Թիմուրի թոյլ ղեկավարութեան պատճառով մոնղոլական միացեալ բանակը պարտուեց եւ մեծ կորուստներով, որոնցից զերծ չմնացին նաեւ հայ-վրացական ուժերը, նահանջեց¹⁹: Այս ճակատամարտին մասնակցած հայ իլխաններից սկզբնաղբիւրներում յանուանէ յիշատակուած է միայն Տարսայիճ Օրբէլեանը²⁰: Սակայն անվիճելի է, որ նա միակը չէր:

Աբաղան պարտասուում էր Եգիպտոսի մամլուքեան սուլթանութեան դէմ նոր արշաւանքի, սակայն 1282 թ. ապրիլի 1-ին Համադանում յանկարծամահ եղաւ²¹: Հակառակ Ռաշիդ ադ Դինի, որն իլխանի մահուան մէջ որեւէ մէկի չի մեղադրում, Ստեփանոս Օրբէլեանն այն «ի դաւելոյ ոմանց» հետեւանք է համարում, իսկ Անանուն Սեբաստացին՝ Սահիբ դիւան Մուհամմեդ Զուվէյնու կողմից թունաւորուելու²²: Հայկական սկզբնաղբիւրների վկայութիւնները, դատելով իրադարձութիւնների յետագայ զարգացումից, անհավանական չեն թւում: Աբաղային պէտք է յաջորդէր նրա որդիներից՝ իլխանական

19 Մանրամասն տե՛ս А. Г. Маргарян, Об участии армян и грузин в Хамской битве 1281 года, «Кавказ и Византия», вып. 5, Ереван, 1987, с. 14-21:
 20 Պատմութիւն անհանգիճ Սիւսկան արարեալ Ստեփանոսի Օրբէլեան արքեպիսկոպոսի Սիւսեաց, Թիֆլիս, 1910, էջ 423-424:
 21 Рашид ад-Дин, т. III, с. 97.
 22 Ստեփանոս Օրբէլեան, էջ 419. Մանր ժամանակագրութիւններ. XIII-XVIII դդ., հտ. II, էջ 148: Այդուհանդերձ, Ռաշիդ ադ Դինը յայտնում է, որ Սահիբ դիւան Մուհամմեդ Զուվէյնու հակառակորդներից Մաշիդ ալ Մուլքն Աբաղայի որդի Արղունին յայտնել էր, որ Սահիբ դիւանը թունաւորել է անր ֆօրը (Рашид ад-Дин, т. III, с. 100):

գահի օրինական ժառանգորդ համարուող Արղունը: Սակայն Աբաղայի եղբայրներից Թագուդարին յաջողուեց նաեւ Սահիբ դիւան Մուհամեդ Զուվէյնու եռանդուն աջակցութեամբ, դաւով եւ բռնութեամբ ուղեկցուող ապօրինութիւններով դաւթել իշխանութիւնը:

Ի դէմս իլխանութիւնում բնակչութեան բացարձակ մեծամասնութիւն կազմող մահմեդականները՝ իր երեքուն իշխանութեան համար ամուր յենարան ստեղծելու նպատակով Թագուդարը դաւանեց իսլամը՝ ընդունելով Ահմադ անունը: Հայկական սկզբնաղբիւրներում խիստ բացասական գոյններով ներկայացուած Թագուդար-Ահմադը դաժան հալածանքներ սկսեց քրիստոնեաների, այդ թւում եւ հայերի նկատմամբ: Դրա վկայութիւններից է Բերկրիի եպիսկոպոսի եւ մի քանի քահանաների սպանութիւնը: Թագուդար-Ահմադն անգամ մտադիր էր մահմեդականացնել իլխանութեան (որը նպատակադիր սուլթանութիւն էր վերանուանել) բոլոր քրիստոնեաներին²³:

Այս ընթացքում (1282/1283) Սադուն Մահկանաբերդցին վախճանուեց: Նրան յաջորդեց որդիներից Խուսրու Բուղան՝ Ուլու Դաւթի երգուեալ թշնամի Խօջա Ազիզի թոռը: Ընդ որում՝ Խօջա Ազիզի որդի Իլ-Խուսրուն իր հերթին Դեմետրէ Բ.-ի վտանգաւոր թշնամին էր, ինչը Դեմետրէ Բ.-ին ստիպելու էր, Սադունի մահից օգտուելով, անել հնարաւորը՝ թուլացնելու իր իշխանութիւնն անուանական դարձրած Մահկանաբերդցիներին: Ուստի նա Խուսրու Բուղային հայրական պաշտօններից շնորհեց միայն ամիրսպասալարութիւնը, իսկ աւելի

23 Մանր ժամանակագրութիւններ. XIII-XVIII դդ., հտ. I, էջ 45-46. Ստեփանոս Օրբէլեան, էջ 425. Հէթում պատմիչ Թաթարաց յեղեալ ի լատին օրինակէ ի հայ բարբառ ի ձեռն Հ. Մկրտիչ աթոռակալ վարդապետի Աւգերեան, Վեներիկ, 1842, էջ 57:

կարեւոր ու բարձր աթաբեկութեան պաշտօնը՝ ոչ²⁴: Աւելին՝ մի նոր ժամիշխանի ի յայտ գալը բացառելու նպատակով նա այդ պաշտօնը ոչ ոքի չչնորհեց: Նուստացուած Խուսրու Բուղան, Դեմետրէ Բ.-ին չհնազանդուելով, ծառայութեան անցաւ իլխանական արքունիքում: Խուսրու Բուղայի այս քայլին վրաց արքան հակադարձեց՝ նրա տիրոջները յարքունիս գրաւելով²⁵: Նոր ծառայատեղում Խուսրու Բուղան խարդաւանքներով հասաւ նրան, որ իր վտանգաւոր հակառակորդ Աբուլթիսիսի եղբայրները մահապատժի ենթարկուեն²⁶:

Արղունը հայրական գահին հաստատուելու համար 1284 թ. սկզբներին Խորասանում պայքար սկսեց հօրեղբոր դէմ, սակայն պարտուեց ու բանտարկուեց: Նրա ընդվզումը ճնշելիս Թագուդար-Ահմադին օգնեցին նաեւ Դեմետրէ Բ.-ն, Իւանէ մանդատուրթ-ուխուցեսը եւ Խուսրու-Բուղան²⁷: Սակայն, վերջինս, չնայած իլխանին օգնած լինելուն, նրա կողմից բանտարկուեց (անկասկած, Դեմետրէ Բ.-ի ջանքերով) եւ ազատուեց վերջինիս հաւատարմութեան երդում տալուց յետոյ միայն: Դրանից յետոյ նա յետ ստացաւ իր տիրոջները²⁸: Թագուդար-Ահմադին վիճակուած չէր երկար իշխել: Մոնղոլական

24 Տե՛ս Кармлис ухосреба, с. 386.
25 Տե՛ս Թ. ՅՅԾԾԾԾ, ԱԶ. աշխ., հտ. 1, էջ 184:
26 Տե՛ս Кармлис ухосреба, с. 387.
27 Տե՛ս Առյն տեղում: Ռաշիդ ադ Դիմն այս իրադարձութիւններին անդրադառնալիս Առյն է, որ Արղունի դէմ Թագուդար-Ահմադի հանած 100-հազարանոց ընտիր հեծեալ զօրքի կազմում կային Ասե հայեր ու վրացիներ (Рашид ад-Дин, т. III, с. 104): Ապա Առյն է, որ ճանապարհին՝ միգչե Խորասան հասնելը, Քազուիմի սահմաններից սկսած այդ զօրքը սկսեց բնակչութեան կողմից սպանուած, շեշտելով դրանցում հայ-վրացական զօրաջոկատի աչքի ընկնելը (Առյն տեղում, էջ 106): Հետեւաբար՝ հայ-վրացական զօրաջոկատին հետաքրքրում էր ոչ թէ յանուն Թագուդար-Ահմադի կեանքը վտանգելը, այլ՝ ռազմաւար ձեռք բերելը:
28 Տե՛ս Թ. ՅՅԾԾԾԾ, ԱԶ. աշխ., հտ. 1, էջ 184:

վերնախաւի մի խմբաւորում՝ էմիր Բուղայի գլխաւորութեամբ, 1284 թ. օգոստոսին նրան գահազրկելով, իլխան հռչակեց Արղունին (1284-1291), որը Գիւրջիստանի վիլայէթի տնօրինութիւնը յանձնեց իր հօրեղբայր Աջային²⁹:

Այս իրադարձութիւնների ժամանակ Դեմետրէ Բ.-ն, ահնայատրէն, իր դստեր սկեսրայր Բուղայի խորհրդով հեռացաւ Թագուդար-Ահմադից եւ յարեց Արղունին: Նոր իլխանը դաժան հաշուեյարդար տեսաւ հօրեղբոր կողմնակիցների, այդ թւում՝ Սահիբ դիւան Մուհամեդ Զուվէյնու հետ, որը 1284 թ. հոկտեմբերի 16-ին մահապատժի ենթարկուեց: Նա դրաւոր խնդրել էր, որ իր մահուանից յետոյ Խոջաքին ու նրանից ունեցած Աթաբէկ որդուն թոյլ տրուի ցանկութեան դէպքում Պարսկաստանից վերադառնալ հայրենիք, այսինքն՝ Աւագեան տան տիրոջներ: Խոջաքից ունեցած աւագ որդի Ջաքարէին, ըստ ամենայնի, կտակել էր Շահնշահեան տնից գնած կալուածքները՝ նրան յանձնելով Բուղայի հոգածութեանը³⁰: Խոջաքին ու Աթաբէկին թոյլատրուեց վերադառնալ հայրենիք: Բուղայի խորհրդով Արղունը նոյն թուականին ոչ միայն վերահաստատեց գահին տիրելուն իրեն որեւէ գործնական ծառայութիւն չմատուցած Դեմետրէ Բ.-ի իրաւունքներն ու նրան շնորհեց «իր ամբողջ թագաւորութիւնը», այլեւ՝ «աթաբէկ Աւագի տունը»³¹: Այսպիսով, Խոջաքի հայրական տիրոջները, որոնք Ուլու Դաւթի ու Խոջաքի մայր Գոնցայի ամուսնանալուց յետոյ մտցուել էին վրաց արքունապատկան տիրոջների մէջ, բայց Սահիբ դիւան Մուհամեդ Զուվէյնու եւ Խոջաքի ամուսնութեամբ հանուել գրանցից, կրկին արքունապատկան դարձուեցին: Դրա համար իրաւական հիմք կարող էին ծառայեցուել ինչպէս առաջին

29 Տե՛ս Рашид ад-Дин, т. III, с. 114.
30 Տե՛ս Առյն տեղում, էջ 115-116:
31 Տե՛ս Кармлис ухосреба, с. 388.

հանգամանքը, այնպէս էլ այն իրողութիւնը, որ Դեմետրէ Բ.-ի մայր Գոնցան էր Աւագի մահից յետոյ նախքան Ուլու Դաւթի կինը դառնալը տնօրինում «Աւագեան տան» տիրոջները³²:

Ստեփանոս Օրբէլեանն իր հերթին յայտնում է, որ Արղունը Դեմետրէ Բ.-ին էր յանձնել «զամենայն աշխարհս Հայոց՝ զտունն Աւագեան եւ զտունն Շահնշահեան եւ զգագեցին եւ զորդիսն Սադուն աթաբէկին»³³: Նա նաեւ յաւելում է, որ վրաց արքան իր հերթին, Շարուրում թանկարժէք ընծաներով իրեն դիմաւորած Տարսայիճ Օրբէլեանին Այրարատ՝ «Աւագեան տուն» տանելով, «եղ Աթաբէկ ի վերայ ամենայն տէրութեան իւրոյ մինչեւ ի Տիփսիս եւ յԱնի եւ ի Կարս: Եւ եղ ի ձեռս նորա զտղայսն իւր զԴաւիթ եւ զՄանուէլն սնուցեալ զնոսս եւ պահեալ»³⁴: Սակայն Սիւնեաց պատմիչի վկայութիւնը մասամբ է իրապատում, քանզի Դեմետրէ Բ.-ն Դաւիթ արքայորդու խնամակալ՝ աթաբէկ էր նշանակել Խուսրու Բուղային, ինչը երեւում է Աւանի կաթողիկէ եկեղեցու 1285 եւ 1287 թուակիր երկու արձանագրութիւններից³⁵: Հետեւաբար՝ վրաց արքան, Տարսայիճ Օրբէլեանին աթաբէկ նշանակելով հանդերձ, այդ գործակալութեան գործառոյթները երկատել էր, որպէսզի նա եւ Խուսրու Բուղան միմեանց հակակռնեն³⁶: Վերջինս էլ, Սահիբ դիւան Մուհամեդ Զուվէյնու պէս հօր վանաւորից զրկուած լինելով, ստիպուած համակերպուել էր իր նոր կարգավիճակի

32 Տե՛ս Ստեփանոս Օրբէլեան, էջ 412. Մանր ժամանակագրութիւններ. XIII-XVIII դդ., հտ. I, էջ 42:
33 Ստեփանոս Օրբէլեան, էջ 426:
34 Նոյն տեղում:
35 Տե՛ս Կ. Ղաֆադարեան, Երեւան. Միջնադարեան յուշարձանները եւ վիմական արձանագրութիւնները, Երեւան, 1975, էջ 195:
36 Հմմտ. Հ. Մարգարեան, Մահկանաբերդցիների (Սարունեանների) իշխանական տունը ԺԲ-ԺԴ դարերում, էջ 26-27:

Հետ: Այսպիսով, վրաց Բագրատունիներ-Մահկանաբերդցիներ հակամարտութեան եւ Օրբէլեաններ-Մահկանաբերդցիներ մրցակցութեան այս փուլն աւարտուեց խուժու Բուղայի պարտութեամբ:

Այս նոյն 1284-ին վախճանուեց խաղբակեան իշխանական տան գահերէց Հասան-Պոռը³⁷: Նրան յաջորդեց կենդանի մնացած որդիներից աւագը՝ Պապաքը, որը հօր կենդանութեան վերջին շրջանում նրան օգնում էր վարելու իշխանութիւնը: Որոշ ժամանակ անց՝ 1287-ի ցրտաշունչ ձմռանը, վախճանուեցին նաեւ Ներքին խաչէնի իշխան Իւան Աթաբեկը եւ Վերին խաչէնի (Մարի) իշխան Հասանը³⁸: Նրանց յաջորդեցին որդիները՝ համապատասխանաբար՝ Զալալն ու Գրիգորը:

Քրիստոնէութեան ու այն դաւանողների նկատմամբ մեղմ վերաբերմունքի շնորհիւ հայկական սկզբնաղբերների կողմից դրական գնահատուած Արղունի գահակալութեան առաջին տարիները խաղաղ անցան: Նրան 1285 թ. այցելեց Կիլիկիայի Հայոց թագաւոր Լեւոն Բ.-ն³⁹: Չնայած վերջինիս առաքելութեան նպատակի մասին հայկական սկզբնաղբերները լռում են, փաստ է, որ նա փորձում էր Եգիպտոսի մամլուքեան սուլթանութեան դէմ պայքարում ստանալ իլխանի աջակցութիւնը: Արղունն իր հերթին մամլուքների դէմ ընդհանուր ճակատ կազմելու միտումով 1288 թ. Հոռմի պապ Նիկողայոս Դ.-ի մօտ իբրեւ բանագնացներ ուղարկեց նեստորականութիւն դաւանող Ոյղուր վա-

նական Բարսումային եւ Շահաբադիին⁴⁰: Սակայն այս առաքելութիւնն ապարդիւն անցաւ:

Տարսայիճ Օրբէլեանն աթաբեկ դաւնալուց յետոյ ոչ միայն «բազում դիւրութիւն եւ ողորմութիւն առնէր նեղեալ Հայոց»⁴¹, այլեւ ապահարկ դարձրեց հայոց աւելի քան 150 վանք⁴²: Եթէ Սիւնեաց իշխանի դիրքերն ամուր էին, ապա խուժու Բուղայինը թուլանում էին: Դեմետրէ Բ.-ն իլխանութեան գլխաւոր էմիր, այսինքն՝ փաստական կառավարիչ դարձած Բուղայի միջոցով հասաւ նրան, որ իլխանական արքունիքում գտնուող խուժու Բուղան բանտարկուեց եւ ուղարկուեց Վրաստան: Այնտեղ նա վրաց արքայի ներողամտութիւնը հայցեց, ինչին արժանացաւ Դմանիսը նրան զիջելու գնով⁴³: Սակայն շուտով խուժու Բուղան, հաշուենկատ քայլերով ու իրադարձութիւնների ընթացքն իր օգտին ծառայեցնելով, յետ բերեց ոչ միայն կորցրածը, այլեւ ունեցաւ աւելին: Նա, ճիշտ հաշուարկ կատարելով, փեսայացաւ Սամցխէի ազգեցիկ իշխան Բեքա Զաղելուն եւ, օգտուելով Բուղայի դիրքերի թուլացումից, աներոջ օգնութեամբ 1288-ի վերջերին վերադարձրեց ոչ միայն Դմանիսն ու Թելաւը, այլեւ ստացաւ Դեմետրէ Բ.-ից խլուած «Աւագեան տան» տիրոջները⁴⁴: Իսկ երբ Արղունի դէմ դաւադրութիւն կազմակերպած Բուղան 1289 թ. յունուարին սպանուեց, հետեւեց նրա մտերիմների, այդ թւում՝ Դեմետրէ Բ.-ի մահապատիժը (1289 թ. մարտ): Ընդ որում՝ վրաց արքայի վախճանում դեր

37 Տե՛ս Գ. Յովսէփեան, *Խաղբակեանք կամ Պոռըեանք հայոց պատմութեան մէջ*, Անթիլիաս, 1969, էջ 70-71:
38 Տե՛ս *Մանր ժամանակագրութիւններ*. XIII-XVIII դդ., հտ. I, էջ 48:
39 Տե՛ս *Մանր ժամանակագրութիւններ*, հտ. II, էջ 148. Սամուէլի քահանայի Անցեւոյ հաւաքումը ի գրոց պատմագրաց, Վաղարշապատ, 1893, էջ 242:

40 Տե՛ս Ա. Յովհաննիսեան, *Դրուագներ հայ ազատագրական մտքի պատմութեան*, գիրք առաջին, Երեւան 1957, էջ 220:
41 Ստեփանոս Օրբէլեան, էջ 426:
42 Տե՛ս Անյն տեղում, էջ 427:
43 Տե՛ս Բ. Կ. Кикнадзе, *Очерки по источниковедению истории Грузии, Пасадан Горгиджанидзе и "Картлис цховреба"*, с. 98.
44 Տե՛ս Անյն տեղում, էջ 98-99:

խաղացին ինչպէս խուժու Բուղան, այնպէս էլ իր քեռի Իլ-խուժու⁴⁵: Տեսնելով, որ Դեմետրէ Բ.-ի մահապատի հարցում Արղունը երկմտում է, խուժու Բուղան նրան խորհուրդ տուեց չվարանել եւ փոխարէնը գահ բարձրացնել Արեւմտեան Վրաստանի թագաւոր Դաւիթ Նարինի որդի Վախթանգին՝ պատճառաբանելով, որ դրա շնորհիւ վրացական երկու թագաւորութիւններն էլ կը միաւորուեն ու կենթարկուեն իլխանին: Շուտով խուժու Բուղայի ջանքերով Արեւելեան Վրաստանում գահ բարձրացաւ Վախթանգը եւ, իբրեւ երախտագիտութեան նշան, 1289/1290 թ. աթաբեկ Տարսայիճ Օրբէլեանի վախճանուելուց յետոյ, նրան շնորհեց կրկին միասնական դարձուած աթաբեկի պաշտօնը, ինչպէս նաեւ՝ ամիրսպասալարութիւնը՝ յանձնարարելով կառավարել թագաւորութիւնը⁴⁶:

Այսպիսով՝ Օրբէլեանները ոչ միայն զրկուեցին աթաբեկութեան պաշտօնից, այլեւ Տարսայիճի վախճանուելուց յետոյ այդ տոհմի գահերէցութեան ու տիրոջներին պատկանելութեան շուրջ նրա որդիներ էլիկումի ու Զալալի եւ եղբորորդի Լիպարիտի (Իւանէի տղայի) միջեւ սուր վէճեր ծագեցին: Յայտարարի չգալով՝ նրանք դիմեցին Արղունին, որն, Օրբէլեան իշխանատոհմի գահերէցութիւնը Տարսայիճի աւագ որդի էլիկումին շնորհելով հանդերձ, հա-

կառակ Սիւնեաց պատմիչի մեկնաբանութեանը, օգտուեց առիթից եւ մոնղոլական սովորութային իրաւունքը հիմք դարձնելով՝ նրան հրամայեց տոհմական տիրոջներին բաժին հանել եղբօրն ու հօրեղբօրորդուն⁴⁷: Այսպիսով՝ Օրբէլեանների իշխանութիւնը, աւատատիրական ներհակութիւններով պայմանաւորուած (ինչից Արղունը չյապաղեց օգտուել), տրոհուեց: Դա, բնականաբար, յանգեցնելու էր այդ զօրեղ իշխանական տան կարողութիւնների նուազմանն ու թուլացմանը:

Արղունը, որը, հայրական ժառանգութիւնից խոշաքին ու նրա երեխաներին զրկելով հանդերձ, թոյլատրել էր վերադառնալ հայրենիք, 1289 թ. օգոստոսին կարգադրեց սպանել Սահիբ դիւան Մուհամեդ Զուլէյնու բոլոր որդիներին: Սակայն Աթաբեկն արդէն մահացել էր, իսկ Զաքարէն, մինչ այդ կամ էլ իլխանի հրամանի մասին իրազեկուելուց յետոյ Ափխազք անցած լինելով, խուսափեց մահապատից⁴⁸: Հայրենիք վերադառնալուց յետոյ խոշաքն աստիճանաբար վերականգնում էր իր ժառանգական իրաւունքներն «Աւագեան տան» տիրոջներին նկատմամբ: Ժ. Դարի վրաց Անանուն ժամանակագիրը 1289-ի սկզբի անցքերին անդրադառնալիս նշում է, որ Դեմետրէ Բ.-ն Արղունի մօտ մեկնելիս մտաւ «Աւագի դուստր խուժաքի երկիրը», որտեղից իր հետ վերցրեց Դաւիթ որդուն⁴⁹: Այս վկայութիւնից հետեւում է, որ կա՛մ «Աւագեան տան» տիրոջները, խուժու Բուղայից վերցուելով (եթէ, իրօք, նրան էին տրուել), նախքան այդ յանձնուել էին խոշաքին (չնայած արքայորդի Դաւիթը գտնուում էր այնտեղ, հաւանաբար՝ Բջնիում), կա՛մ էլ ժամանակագիրը փաստել է դրանց նկատմամբ Աւագի դուստր օրինական իրաւունքները: Բոլոր

45 Տե՛ս Անյն տեղում, էջ 99:
46 Տարսայիճի մահը որդի՝ Ստեփանոս Օրբէլեանը եւ Ստեփանոս Եպիսկոպոսը, որին ուսումնասիրողների մի մասը Անյնում է Սիւնեաց պատմիչի հետ, թուագրել է 1290-ով (Ստեփանոս Օրբէլեան, էջ 429. *Մանր ժամանակագրութիւններ*. XIII-XVIII դդ., հտ. I, էջ 50): Սակայն Տարսայիճի՝ այժմ ոչնչացուած տապանաքարի արձանագրութիւնը, որում շեշտուած է եղել նրա աթաբեկութիւնը, այն ժամանակին ընդօրինակած հետազոտողների համաձայն՝ կրել է հայոց ՉԼԸ (1289) թուականը (տե՛ս Դիւան հայ վիճագրութեան, պրակ III, էջ 236): Տե՛ս *Картлис цховреба*, с. 390-392:

47 Տե՛ս Ստեփանոս Օրբէլեան, էջ 430-431:
48 Տե՛ս *Рашид ад-Дин*, т. III, с. 123.
49 Տե՛ս *Картлис цховреба*, с. 390.

դէպքերում 1285-1291 միջակայքով թուագրուող երեք վիճաբեր ստոյգ արձանագրում են, որ խոշաքն այդ ընթացքում աստիճանաբար կրկին տնօրինում էր հայրական կալուածքները⁵⁰: Ընդ որում՝ դրանցից մէկում նա հանդէս է գալիս իբրև Պապաք խաղբակեանի գերակայ⁵¹: Խաղբակեանների նկատմամբ «Աւագեան տան» գերակայութեան վերականգնումը փաստում է նաև Պապաքի՝ 1292 թ. վախճանուած եղբայր Ամիր Հասանի յիշատակումը որպէս «մեծ սպարապետն տանն Աւագին»⁵²:

«Շահնշահեան տունը» 1260-ական թուականների սկզբներից գլխավորող Իւանէ մանդատութիւն-ուխուցեսը մինչև 1280-ական թուականների կէսերը գործուն մասնակցութիւն էր ունենում ժամանակի կարեւոր ռազմաքաղաքական անցքերին: Սակայն Դեմետրէ Բ.-ի եւ Խուսիկ Բուղայի հետ 1284 թ. Թագուդար-Ահմադի դէմ Արղունի ընդվզումը ճնշելուն մասնակցելուց յետոյ նա այլևս սպարէզում չի երևում: Իւանէից յետոյ «Շահնշահեան տան» գլուխ է անցնում նրա աւագ որդի Շահնշահը: Նա կնութեան էր առել Սահիբ դիւան Մուհամեդ Զուլէյնու եւ Խոշաքի դուստր Խուանդուզէին: Հետեւաբար՝ «Աւագեան տան» տիրոջութեան նկատմամբ «Շահնշահեան տան» յաւակնութիւնների արդիւնքում նրանց հակասութիւնները հարթուել էին: Պնդել, որ վերջիններս բաւարարուել էին միայն Խոշաքի օժիտ բերած տիրոջութեան, ճիշտ չի լինի: Նրանք առնուազն 1280-ական թուականների վերջերին, 1290-

ական թուականների սկզբներին կրկին տիրում էին Անիին իր շրջակայքով⁵³:

Իւանէի որդի Շահնշահը, որը ոչ միայն «Շահնշահեան տան», այլև ընդհանրապէս Զաքարեան իշխանատոհմի վերջին խոշոր ներկայացուցիչն էր եւ գլխավորում էր այն, Անիի 1291 թ. արձանագրութիւնում հանդէս է գալիս իբրև աթաբեկ եւ ամիրսպասալար⁵⁴: Նա այդ առանցքային պաշտօնները վարեց մինչև կեանքի վերջը (1320): Հետեւաբար՝ իշխանատենչ, անյագուրդ ու անվստահելի Խուսիկ Բուղայի աննախընթաց հզօրացումը եւ նրա կողմից իր թագաւորական իրաւունքների դէմ կատարուող շարունակական ոտնձգութիւնները Վախթանգ Բ.-ին ստիպել էին լիովին պաշտօնազրկել Մահկանաբերդի իշխանին⁵⁵: Խուսիկ Բուղայի դէմ յետագայ պայքարում ամուր գիրքեր ունենալու նպատակով Վախթանգ Բ.-ն յենարան էր դարձրել Շահնշահին՝ նրան շնորհելով աւանդաբար Զաքարեանների նպատկանած այդ պաշտօնները: Դրան մոնղոլները չէին առարկի, քանզի դա համահունչ էր նրանց շահերին ու աւանդական քաղաքականութեանը եւ, բացի այդ, Շահնշահը հօր նման հաւատարիմ էր նրանց: Ինչպէս արդէն տեսանք, Խուսիկ Բուղան զրկուել էր նաև «Աւագեան տան» կալուածքներից, որոնք անցել էին օրինական տէրերին:

Խուսիկ Բուղան, ինքնասէր ու ծայրայեղութիւնների մարդ լինելով, իր դիր-

53 Տե՛ս Դիւան հայ վիճագրութեան, պրակ I, ԱԳԻ, կազմեց Յ. Օրբէլի, Երեւան 1961, էջ 22, 68:

54 Տե՛ս Առյճ տեղում, էջ 68:

55 Տաւուշի մարզի Գետաշէն գիւղին մերձ Առաքելոց վանքի արձանագրութիւնը, որում Խուսիկ Բուղան յիշատակում է իբրեւ «աթաբակ եւ ամիրսպասալար», իրականում թուագրում է ոչ թէ ՈՂԳ (1244), ՈՂԳ (1245) կամ ՉԽԲ (1293), ինչպէս ենթադրել են դրա հրատարակիչները (տե՛ս Դիւան հայ վիճագրութեան, պրակ VI, էջ 203-205), այլ՝ ՉԼԸ (1289):

50 Տե՛ս Գ. Յովսէփեան, Զագաւակից ժողովը, «Օղակաթ», Էջմիածին, 1913, էջ 24. Դիւան հայ վիճագրութեան, պրակ III, էջ 78. Բ. Ն. Առաքելեան, Գ. Հ. Կարախանեան, Գառնի, III, Երեւան, 1962, էջ 45:

51 Տե՛ս Դիւան հայ վիճագրութեան, պրակ III, էջ 78:

52 Հայերէն ձեռագրերի յիշատակարաններ. ԺԳ դար, էջ 682:

քերի այդօրինակ թուլացումն ու անձի նուաստացումը հանդուրժել չէր կարող: Նա ճարահատեալ ընտրեց չարիքներից փոքրագոյնը եւ 1290 թ. վերջերին, օգտուելով Վախթանգ Բ.-ին հովանաւորող Արղունի հիւանդանալուց, ձեռնամուխ եղաւ իր այդ ախոյեանին միւսով՝ Դեմետրէ Բ.-ի որդի Դաւթով արեւելավրացական գահին փոխարինելուն⁵⁶: Խուսիկ Բուղայի ջանքերը պսակուեցին յաջողութեամբ, ինչին մեծապէս նպաստեցին Արղունի ու Վախթանգ Բ.-ի մահերը՝ համապատասխանաբար 1291 թ. մարտի 10-ին եւ 1292-ի սկզբին: Արղունին 1291 թ. յուլիսի 23-ին յաջողած եղբայրը՝ Քէյղաթուն, վրաց արքային հովանաւորելով հանդերձ, սկզբում վստահում ու դրական էր վերաբերում Խուսիկ Բուղային: Պատահական չէ, որ փոքրասիական Տոնդուգալու ապստամբ քաղաքի դէմ շարժուելուց առաջ Քէյղաթուն նաև նրան յանձնարարեց Իլխանութեան սահմանների պաշտպանութիւնը Ոսկէ Հորդայի հնարաւոր յարձակումից⁵⁷:

Ինչպէս եւ պէտք էր սպասել, Դեմետրէ Բ.-ի որդի Դաւթ Լ.-ի՝ 1292 թ. գահ բարձրանալուց շատ չանցած նրա եւ Խուսիկ Բուղայի յարաբերութիւնները սրուեցին: Պատճառը ոչ միայն նոր արքային եւս իր հլու կամակատարի վերածելու եւ նրանից շնորհումներ կորզելու՝ Խուսիկ Բուղայի որդեգրած ուղեգիրն էր, այլև իր հօր եղբրական վախճանում նրա գործուն մասնակցութեանը Դաւթ Լ.-ի քաջատեղեակութիւնը: Դա երեւում է թէկուզ նրանից, որ աթաբեկութեան ու ամիրսպասալարութեան պաշտօններն այդպէս էլ չվերադարձուեցին Խուսիկ Բուղային, որը Գիւրջիստանի վրայէթի հայ-վրացական աւագանու շարքում դիտուում էր երկրորդը Շահնշահից յետոյ⁵⁸:

տոյ⁵⁸: Նրա հետ հաշիւները մաքրելու համար Դաւթ Լ.-ն, օգտուելով յարմար պահից, դիմեց Քէյղաթունի եւ հասաւ իր նպատակին: Խուսիկ Բուղան 1293 թ. օգոստոսի սկզբներին մահապատժի ենթարկուեց⁵⁹: Անժառանգ Խուսիկ Բուղայի ամբողջ ունեցուածքը, այդ թուում՝ Դամնիսը, Քէյղաթունի հրամանով յանձնուեց Դաւթ Լ.-ին եւ ոչ թէ նրա եղբորը՝ Մանկասարին: Դրանով Մահկանաբերդի իշխանական տոհմն արագօրէն հեռացաւ պատմական սպարէզից:

Քէյղաթունի օրօք, ինչպէս նրա կողմից պետական միջոցների անխնայ ու աննպատակ վատնելու, այնպէս էլ հսկողութեան փաստական չգոյութեան պայմաններում ծաղկող գանձագողութեան հետեւանքով պետական գանձարանը դատարկուեց: Դա յանգեցրեց Ֆինանսական ճգնաժամի, որից դուրս գալու համար Քէյղաթուն իր առաջին վէճիր Սադր ադ Դին Զենջանի խորհրդով ու դրդմամբ 1294 թ. սեպտեմբերին մահուան սպառնալիքով շրջանառութեան մէջ դրեց ոչնչով չապահովագրուած թղթադրամներ: Սակայն, քանի որ այդ թղթադրամների գործածութիւնն աւելի բարդացրեց իրավիճակը՝ յարուցելով բնակչութեան բուռն դժգոհութիւնը, դրանք շատ չանցած հանուեցին շրջանառութիւնից⁶⁰:

1295 թ. մարտին լիովին հեղինակազրկուած Քէյղաթուն սպանուեց: Նրան յաջորդեց հօրեղբայրը՝ Բայդուն, որն իշխեց ընդամէնը վեց ամիս: Իլխանութեան մահադական վերնախաւի աջակցութեամբ Բայդուն իշխանազրկելով՝ գահ բարձրացաւ Արղունի աւագ որդի Ղազանը (1295-1304): Նա քաղաքական դրդապատճառներով

56 Տե՛ս Կարմուս Կոստան, Կ. 392.

57 Տե՛ս Առյճ տեղում, էջ 393:

58 Տե՛ս Առյճ տեղում:

59 Տե՛ս Գ. Յովսէփեան, Գ. աշխ., հտ. 1, էջ 194-196. Рашид ад-Дин, т. III, с. 137, Кармлис цховреба, с. 394.

60 Տե՛ս Рашид ад-Дин, т. III, с. 135-136. Ստեփանոս Օրբէլեան, էջ 46:

րով ոչ միայն պաշտօնապէս մահամեղականութիւն ընդունեց, այլեւ հալածանքներ սկսեց իլխանութեան քրիստոնեայ բնակչութեան նկատմամբ: Դրանցում յատկապէս աչքի ընկաւ գլխաւոր էմիր Նովրուզը՝ նախկին բասղաղ Արղունի որդին: Իլխանութեան տարբեր վայրերում քանդուեցին կամ աւերուեցին ու կողոպտուեցին բազմաթիւ եկեղեցիներ, անարգուեցին քահանաներ, կոտորուեցին կամ ունեցուածքից զրկուեցին շատ ու շատ քրիստոնեաներ: Նովրուզի հրոսակները, Սիւնիքի եւ Նախիջեւանի վանքերն ու եկեղեցիները մեծապէս վնասելով ու կողոպտելով հանդերձ, չքանդեցին՝ «ակնածեալ ի Վրաց (հայ-վրացական - Ա. Շ.) զօրացն ... իսկ այլ աշխարհս Հայոց, զոր Երասխայ գետն հատանէ, մնաց շնորհօքն Աստուծոյ»⁶¹:

Իլխանութեան քրիստոնեայ էթնիկ փոքրամասնութիւնների, մասնաւորապէս՝ հայերի նկատմամբ Նովրուզի մահամեղական մոլեռանդութեամբ զուգորդուող կրօնական հալածանքներին ու բռնութիւններին Ղազանը վերջ տուեց՝ նրան ներկայացած կիլիկեան Հայաստանի թագաւոր Հեթում Բ.-ի միջնորդութիւնից յետոյ՝ 1296 թ.⁶²: Ընդ որում, համաձայն Ստեփանոս Օրբէլեանի, Ղազանը Հեթում Բ.-ին «ի չքմեղս եղեալ ասէր. ես ոչ գիտեմ զայդ. այլ Նաւուզն գործեաց զամենայն. եւ հրամայեաց առ ժամայն գրել հրովարտակ ընդ ամենայն աշխարհ զի մի իշխեսցեն ձեռնարկել յեկեղեցիս եւ ի քրիստոնեայս. այլ խաղաղութեամբ բնակեսցէ ամենայն ոք՝

61 Ստեփանոս Օրբէլեան, էջ 473. տե՛ս նաեւ Հեթում պատմիչ, էջ 60, Մանր ժամանակագրութիւններ. XIII-XVIII դդ., հտ. I, էջ 87, 106, 108, 120, 124, հտ. II, էջ 150, Հայերէն ձեռագրերի յիշատակարաններ. ԺԳ դար, էջ 772-773, 784, 810, *Картлис цховреба*, с. 395 եւ այլն:

62 Ստեփանոս Օրբէլեան, էջ 474. Հայերէն ձեռագրերի յիշատակարաններ. ԺԳ դար, էջ 773. Մանր ժամանակագրութիւններ. XIII-XVIII դդ., հտ. II, էջ 150:

զիւր հաւատ եւ պաշտօն համարձակ ունելով»⁶³:

Սակայն քրիստոնեաների եւ քրիստոնէութեան նկատմամբ Ղազանի դիրքորոշման փոփոխութիւնը պայմանաւորուած էր ոչ թէ Հեթում Բ.-ի միջնորդութեամբ, ինչպէս գտնում են ժամանակի գրեթէ բոլոր հայկական սկզբնաղբերները, այլ ուրիշ գործօններով: Նովրուզի գործողութիւններն ուղղորդելով կամ նրան առնուազն չհակադրելով, Հեթում Բ.-ի մօտ չքմեղացած Ղազանը նպատակադիր էր սիրաշահել իրեն յենարան դարձած տեղական մահամեղական վերնախաւին, յատկապէս՝ հոգեւորականութեանը եւ, ինչու չէ, բնակչութեանը: Սակայն, միւս կողմից, նրան Եգիպտոսի մամլուքեան սուլթանութեան դէմ յաջող պայքարելու համար խիստ անհրաժեշտ էր իլխանութեան քրիստոնեայ տարրի, Կիլիկիայի հայկական պետութեան, պապականութեան եւ Եւրոպայի աջակցութիւնը: Այս ամէնը ժամանակին Հեթում Բ.-ն հրաշալի էր հասկացել⁶⁴: Բացի այդ, Արեւելեան Վրաստանում Նովրուզի գործողութիւնների հետեւանքով անհանգիստ իրավիճակ էր ստեղծուել: Դաւիթ Ը.-ն ոչ միայն ընդվզել էր Ղազան խանի դէմ, այլեւ յամառօրէն փորձում էր ընդդէմ նրա համագործակցել Ոսկէ Հորդանի խան Ղիյաս ադ Դին Թոթթաուի (1290-1312) հետ՝ խոստանալով իլխանութեան վրայ յարձակուելու դէպքում ճանապարհ տալ նրա զօրքին⁶⁵:

Ահա թէ ինչու Ղազանը վերջ տուեց Նովրուզի բռնարարքներին եւ նրան ուղարկեց Խորասան: Շատ չանցած, մրցակիցների խարդաւանքների հետեւանքով նա մեղադրուեց Ղազանին դաւաճանելու մէջ եւ բռնուելով՝ 1297 թ. օգոստոսին մահ

63 Ստեփանոս Օրբէլեան, էջ 474:

64 Հեթում պատմիչ, էջ 60:

65 *Картлис цховреба*, с. 395-396.

հապատժի ենթարկուեց⁶⁶: Ուշագրաւ է, որ Նովրուզին վնասազերծելու նպատակով ուղարկուած բանակի կազմում էին նաեւ Տարսայիճ Օրբէլեանի եղբայր Իւանէի որդի Լիպարիտը եւ Ամիր Հասան Խաղբակեանի տղայ Էաչին, «որք թուք արձակեալ յերես Նաւուզին մեծ անարգանօք ձաղէին»⁶⁷: Այս բանակի հրամանատարն էր Նովրուզի մրցակից զօրավար Խուլթուշահը, որը ժամանակի հայկական սկզբնաղբերներում հասկանալի պատճառներով խիստ դրական է գնահատուած: Դրանից յետոյ Ղազան խանը Դաւիթ Ը.-ին հնազանդեցնելու նպատակով նրա դէմ ուղարկեց Նովրուզից յետոյ գլխաւոր էմիր դարձած Խուլթուշահին, որին միացան աթաբեկ ու ամիրսպասալար Շահնշահը եւ վրացի ու հայ շատ իշխաններ⁶⁸: Խուլթուշահը 1297 թ. վերջին եւ յաջորդ տարուայ գարնանը խաղաղ կամ բռնի միջոցներով փորձեց Դաւիթ Ը.-ին դարձի բերել, բայց արդիւնքի չհասաւ: Հէնց դա է նկատի ունեցել Գիւրջիստանի վիլայէթը եւ Վրաստանը յստակ տարբերակող Ռաշիդ ադ Դինը՝ փաստելով, որ Վրաստանը չի ընդունում Ղազան խանի իլխանութիւնը⁶⁹: Խուլթուշահը Դաւիթ Ը.-ի դէմ ծաւալած ռազմական գործողութիւնների ընթացքում աւերեց արեւելավրացական շատ գաւառներ, ինչպէս նաեւ՝ հայկական ու հայաբնակ Սոմխիթը, որի համար արժանացաւ Ղազան խանի յանդիմանութեանը⁷⁰:

Տեսնելով, որ չի յաջողում հնազանդեցնել Դաւիթ Ը.-ին՝ Ղազան խանն արեւելավրացական գահը յանձնեց նրա կրտսեր եղբայր Վախթանգին: Երբ Վախթանգը Խուլթուշահի հետ նրա գլխաւորած

66 Рашид ад-Дин, т. III, с. 170-177. Ստեփանոս Օրբէլեան, էջ 475:

67 Ստեփանոս Օրբէլեան, էջ 475:

68 *Картлис цховреба*, с. 396-399.

69 Рашид ад-Дин, т. III, с. 271.

70 Նոյն տեղում, էջ 179:

զօրքով Ղազան խանի մօտից վերադարձաւ Տիխիս, նրան յարեցին մի շարք իշխաններ, այդ թւում՝ Թմոզուեցիները եւ աթաբեկ ու ամիրսպասալար Շահնշահը⁷¹: Սակայն իրականում Վախթանգի իշխանութիւնը տարածուած էր միայն Տիխիսի, Սոմխիթի, Դմանիսի ու Սամշուլիդէի, այսինքն՝ հիմնականում հայկական գաւառների վրայ, իսկ մնացածները շարունակում էին ենթարկուել Դաւիթ Ը.-ին⁷²:

Ասորիքն ու Պաղեստինը գրաւելու եւ Կիլիկիայի հայկական թագաւորութեան նկատմամբ իր դաշնակցային պարտաւորութիւնները կատարելու նպատակով Ղազան խանը երեք արշաւանք (1299, 1300, 1303) կազմակերպեց Եգիպտոսի մամլուքեան սուլթանութեան դէմ: Դրանց մասնակցում էին նաեւ Կիլիկիայի հայկական թագաւորութեան զօրքերը Հեթում Բ.-ի ու Գիւրջիստանի վիլայէթի հայ-վրացական զօրամասերը՝ Վախթանգ Ը.-ի եւ աթաբեկ ու ամիրսպասալար Շահնշահի գլխաւորութեամբ: Սակայն մոնղոլական եւ հայ-վրացական միացեալ ուժերը չկարողացան զարգացնել սկզբնական յաջողութիւնները եւ ստիպուած էին ծանր կորուստներով յետ քաշուել⁷³:

Իլխանութեան խիստ ծանր տնտեսական ու ֆինանսական վիճակը շտկելու եւ պետութեան կառավարումը բարելաւելու անհրաժեշտութիւնը Ղազան խանին ստիպեց իր գահակալութեան վերջին տարիներին կատարել մի շարք բարեփոխումներ: Դրանք ընդգրկում էին պետութեան կեանքի հիմնական բնագաւառները: Ծիշտ է, այդ բարեփոխումները պետական գանձարանի հասոյթները մէկ քառորդով աւել

71 *Картлис цховреба*, с. 398.

72 Նոյն տեղում, էջ 39:

73 Նոյն տեղում, էջ 401-403. Рашид ад-Дин, т. III, с. 182-188, 191-196. Հեթում պատմիչ, էջ 66. Սամուէլ Անեցի, էջ 164. Մանր ժամանակագրութիւններ. XIII-XVIII դդ., հտ. II, էջ 151:

լացրին, սակայն հեռու էին բաւարար լինելուց եւ սոսկ առժամանակ դադարեցրին Իլխանութեան տնտեսական քայքայման ու անկման գործընթացը, որը վերսկսուեց 1304 թ. Ղազան խանի մահուանից յետոյ: Իլխանութեան քրիստոնեայ ժողովուրդները, այդ թւում՝ Հայերի, տնտեսական վիճակը ոչ միայն չբարելաւուեց, այլեւ Ղազան խանը պետական գանձարանը համալ-

րելու նպատակով անգամ ոչ մահմեդականներից գանձուող ջիզեա կոչուող հարկը վերականգնելու անյաջող փորձ կատարեց: Ինչ վերաբերում է հայկական իշխանութիւններին, ապա դրանց մասնատումը եւ տնտեսական ու ռազմաքաղաքական կարողութիւնների նուազումն աւելի ու աւելի էր զգացւում:

ՀԵԹԱՆՈՍԱԿԱՆ ՏԱԾԱՐԸ ԼՈՒՍԱԻՈՐԶԻ ԹԻԿՈՒՆՔՈՒՄ

Հայկ Յակոբեան

Շնորհիւ հին եւ միջնադարեան Հայաստանի խոր ժառանգականութեան հայ վաղմիջնադարեան մշակոյթը կարեւոր աղբիւրագիտական արժէք ունի հին Հայաստանի պատմութեան տարբեր հարցերը լուսաբանելու համար: Միաժամանակ, Հայաստանի մշակոյթն ամուր յենուած է եղել Հին Արեւելքի գաղափարախօսական հիմքի վրայ, միջնադարեան Հայաստանում այն կիրառուել է որպէս փորձուած ուղեցոյց՝ Մերձաւոր Արեւելքում ի յայտ եկած նոր իրողութիւնները համարժէք ընկալելու եւ զարգացման նոր միտումներում ճիշտ կողմնորոշուելու համար: Ստորեւ քննարկուելու է անտիկ դարաշրջանի Հայաստանի տաճարների մի ուրոյն տիպ¹, որի արձագանքները, ինչպէս կը տեսնենք, պահպանուել են միջնադարեան պատկերագրութեան մէջ: Դիտարկման ներկայացուող միջնադարեան մանրանկարը, որը գիտական շրջանառութեան մէջ է գրուել նշանաւոր հայագէտ Հ. Ղեւոնդ Ալիշանի կողմից², այժմ պահուում է Վատիկանում եւ զետեղուած է եղել բիւզանդական հայազգի կայսր Բարսեղ Բ.-ին պատկանող Մենուդի գիտում: Ժ. դարի այս մանրանկարի վրայ պատկերուած է Գրիգոր Լուսաւորիչը: Նրա գլուխը լուսապսակի մէջ է, նա եպիսկոպոսական հանդերձանքով է, կանգնած ինչ-որ

մոնումենտալ շէնքի առջեւ: Ըստ Ղ. Ալիշանի՝ մանրանկարի վրայ պատկերուած է Լուսաւորիչը Մեծ Հայքի թագաւոր Տրդատ Գ.-ի արքունիքում, որտեղ կարողում է իր քարոզներից մէկը: Եզակի պատմական արժէք ունի շէնքը, որի առջեւ կանգնած է Լուսաւորիչը (աղ. I, նկ. 1): Արեւելագէտ Կ. Տրեւերի կարծիքով՝ յետին պլանում, հաւանաբար, պատկերուած է հին հայկական պանթէոնի գերագոյն աստուածներից մէկի՝ Միհրի տաճարը, եւ երեւի այս հայ հեթանոսական աստուածութեան դէմ էլ տուեալ դրուագում ուղղուած էր Լուսաւորչի քարոզը: Յայտնի է, որ վաղ միջնադարում ծաւալուող գաղափարական պայքարում Միհրի պաշտամունքի դէմ ուղղուած գործերով էին հանդէս գալիս հայ փիլիսոփայ Եզնիկ Կողբացին եւ պատմիչ Եղիշէն³:

Լուսաւորչի եւ մեհեանի պատկերը շրջանառութեան մէջ դրած վերոյիշեալ գիտնականները պարզ պատճառներով «Միհրի տաճարը» չեն ենթարկել աւելի մանրամասն վերլուծութեան՝ տրամադրութեան տակ չունենալով որեւէ տեղական հնագիտական զուգահեռ: Դեռեւս մեզանից երեք տասնամեակ առաջ յայտնի կամ աւելի ճիշտ՝ հասու չէր անտիկ Հայաստանի որեւէ պաշտամունքային շէնք, բացառութեամբ Գառնիի տաճարի: Նշանաւոր գիտնական Գ. Ա. Տիրացեանը գրում էր հետեւեալը. «Թէեւ Արմաւիրի պեղումները շարունակուում են արդէն 20 տարի, այս-

1 Նախկինում արդէն Աերկայացրել ենք ինչ Հայաստանի սինագոգայ դահլիճներին Աուիրում մի աշխատանք. տե՛ս Հայկ Յակոբեան, Հին Հայաստանի սինագոգայ դահլիճները եւ Հողմիկի տաճարական համալիրը, - Հին Հայաստանի պատմութեան եւ մշակոյթի հարցեր, Գեորգ Տիրացեանի յիշատակին Աուիրում գիտածոյովի զեկուցումներ, Երեւան, 2001, էջ 49-56:
 2 Հ. Ղ. Ալիշան, Այրարատ, Վեճետիկ, 1890, Գլ. 440-րդ էջին կից:
 3 Եզնիկ Կողբացի, Եղծ աղանդոց, Թիֆլիս, 1912. Եղիշէի վասն վարդաւանջ եւ Հայոց պատերազմի, աշխատութեամբ Ե. Տեր-Մինասեանի, Երեւան, 1957. Կ. В. Тревер, Очерки по истории культуры древней Армении (II в. До н.э. - I в. н.э.), М.-Л., 1953, с. 65: